

續弘簡錄元史類編

續弘簡錄元史類編卷二十九

皇清詹事府少詹事仁和邵遠平戒山學

皇后

烈祖宣懿皇后 太祖光獻皇后 太宗昭慈皇后

定宗欽淑皇后 憲宗貞節皇后 世祖順聖皇后

附喃必后

成宗靜懿皇后

附卜魯罕后

武宗惠聖皇后

附妃亦乞烈氏唐兀氏

仁宗慈聖皇后 英宗懿聖皇后 泰定帝八不罕皇后

明宗八不沙皇后

附順帝母罕祿魯氏

文宗卜答失里皇后

寧宗答里也忒迷失皇后

順帝答納失里皇后

附奇氏后

烈祖后名月倫不詳其氏生太祖有異兆烈祖歿太祖方幼部

衆多歸秦赤烏有近侍脫端火兒真者亦將叛太祖泣留之脫

端曰深池已涸堅石已碎留復何爲竟帥衆去后怒其弱已也

麾旗將兵躬自追叛者驅其大半而還秦赤烏合七部三萬人

來攻后與太祖率部人爲十三翼大戰敗走之

聖武親征記云上時駐軍塔蘭

版朱思之野亦乞刺部人捏羣之子孛徒先在麾下至是自曲

隣居山遺十奕台慕哥三人途阿刺禿刺烏干山來告變上集

諸部戒嚴凡十有二翼月倫太后暨上諸昆弟爲一翼

世祖至元三年定廟制世次追上尊諡曰宜懿皇后附烈祖爲太廟第一室

太祖皇后名旭真弘吉刺氏特薛禪之女

本名特因薛禪是其所賜號猶言大賢也

初太祖在沙漠時有哈刺赤散只兒朶魯班塔塔兒亦乞烈思

弘吉刺等部居堅河之濱忽蘭野兒吉之地謀奉札木合爲帝

將不利於太祖有抄兀兒者知其謀馳以告太祖遂起兵收海

刺兒阿帶亦兒渾之地盡誅札木合黨惟弘吉刺入降賜名薛

禪諸出抄兀兒傳聖武親征記云時有哈答吉部散只兒部朶魯班部塔塔兒部弘吉刺部皆畏太祖威不自安私會于阿

雷泉斬馬爲誓欲共襲我軍弘吉刺部長迭奕恐事不成潛遣人告變帝聞之遂發自虎圖澤逆戰于孟亦烈川大敗諸部衆

于是弘吉

其子按陳從太祖征伐有功賜號那顏

譯言國舅也

約曰

生女世爲后生男世尙公主以故諸后多出其族世祖至元二

年追上尊諡爲光獻皇后升祔太祖廟武宗至大二年加上尊

諡曰曰尊祖宗致誠孝實王政之攸先法天地建鴻名亦母儀

之克稱肆先處於太室庸昭示於後昆體茲至公節以大惠欽

惟光獻皇后宅心淵靜稟德柔嘉當聖神創業之初有夙夜求

賢之助功施社稷垂慈訓於景襄慶衍宮闈流徽音於莊聖協

贊龍飛之運永齡燕翼之謀惟周人著稱思齊亦推本興王之

道在漢世始諡光烈蓋篤申追遠之情是用稽廸舊章增崇遺

美謹奉玉冊寶加上尊諡曰光獻翼聖皇后伏惟淑靈降格典

禮贊廣於億萬年茂隆丕祚

按皇后列傳載此冊爲至元二年

有上尊諡皇后尊諡之語其下文又稱上莊聖皇后尊諡而莊
聖皇后本傳所載至大二年冊文與此文體例正同是此文係
武宗至大二年冊文

至大所上而非至元年間之事明矣且至元初年百太祖后妃
事草創未聞有製冊之禮故依武宗紀而正之如此太祖后妃
自光祿而外有四幹耳柔約四十餘人不記氏族內多通稱皇
后者按幹耳柔譯言廂房故取以當側室之義

太宗正宮孛剌合皇后無子脫列哥那乃馬真氏號六皇后生
長子貴由將四十載矣歲辛丑十一月太宗崩后稱制于和林
者凡四年丙午秋始會諸王百官議立貴由爲帝是爲定宗而
朝政猶出母后閣二年帝崩世祖至元二年后始崩追諡昭慈
皇后升祔太宗廟尚有二皇后昂灰三皇后乞里吉忽帖尼六
皇后禿納吉納皆通稱后初太宗在潛邸以蒙哥即憲宗爲子屬
昂灰撫育之卽二皇后乞里吉忽帖尼后憲宗二年被遷于
擴端所居地之西

定宗皇后名幹兀立海逸失氏定宗崩后依太宗舊命抱太孫

失烈門垂簾聽政者幾四年諸王大臣多不服尋共推立憲宗
憲宗立遷失烈門于沒脫赤之地后以厭禳事覺賜死至元二
年追諡欽淑皇后

憲宗皇后名忽都台弘吉剌氏特薛禪孫忙哥陳之女也蚤崩
至元二年追諡貞節皇后升祔憲宗廟貞節初沒帝卽以其妹
也速兒繼爲后外有出卑三皇后歲已未從憲宗南伐薨于六
盤又有明里忽都魯皇后泰定二年詔守班禿營帳當憲宗旣
長太宗爲娶火魯剌部女火里差爲妃後不知所終

世祖大皇后名帖古倫弘吉剌氏濟寧王按陳孫脫憐之女也
太子真金母名察必亦弘吉剌氏按陳那顏之女也當憲宗初
世祖以母弟奉命南伐駐師鄂州憲宗崩有異母弟阿里不哥
與其黨阿藍答兒等潛謀篡立乘傳調兵去開平僅百餘里后

使人謂口發兵大事太祖曾孫真金在何故不使與聞阿蓋答
兒不能對繼聞其黨脫里赤至燕僉民兵后密遣使馳報軍前
世祖乃還中統初立爲皇后至元十年三月始授冊寶制曰天
地合德故能覆載萬物而不遺日月並明所以照臨六合而無
外至哉夫婦之大義實配陰陽之兩儀咨爾皇后弘吉剌氏戚
里名家元勲貴族備儀率禮令德來嬪自朕奉藩之初以至踐
阼之日明識遠慮裨益宏多雖禕翟正位於長秋而典冊未光
於大禮茲者文臣敷奏實協朕心今授爾玉冊寶章備物充庭
式遵古典於戲恭順接下九族彤雍睦之風儉素相高萬世衍
靈長之福服茲寵命益懋徽猷

見元文類
王磐撰

尋又上尊號曰貞懿

昭聖順天睿文光應皇后

按世祖至元二十一年始受尊號
而后以十八年崩恐無先受尊號之

理特本傳及后妃年表
皆載其文錄以便考

后在中宮時四怯薛官嘗奏請割京城

外近地爲牧場帝允之方以圖進后至帝前將諫陽責太保劉
秉忠曰汝漢兒明達者言必主聽何爲不諫初定都時若以民
地牧馬尙可今軍民分業已久奪之可乎帝默然寢其事後嘗
於太府監支繒帛各一帝曰此軍國所需非私家物何可得支
后自是率宮人親執女工拘諸舊弓絃練之緝爲紬製衣其勒
密可比綾綺宣徽院羊牯皮向置不用后取之合縫爲地毯曰
天下無棄物其勤儉類此宋幼主朝上都大宴衆皆歡甚后獨
不樂帝曰今江南已平自此不用兵革衆皆喜爾獨不樂何邪
后跪奏曰妾聞自古無千歲之國使吾子孫及此則幸矣帝
以宋府庫寶物陳置殿庭名后視后一視卽去帝遣宦者問故
后曰宋人貯蓄將以遺子孫其子孫不能保而歸於我我又何
忍視邪時宋太后全氏至京不習風土后請聽回江南帝不允

奏至三帝曰爾婦人無遠慮若令南還或浮言一動卽難保全
非所以愛之也誠愛之則時加存卹使之便安可耳后益厚待
之先是制無前簷帝出射苦日色炫目后因益以前簷又製
一衣前有裳無衽後長倍於前亦無領袖綴以兩襜名曰比甲
以便弓馬帝喜皆命爲式翰林待制王思廉嘗進讀通鑑至長
孫皇后進諫事帝命內官引至后閣講衍其說后曰是誠有益
於聖衷者汝宜擇善言進講慎勿竇辭煩上聽后性明敏識事
機凡國家初政左右匡維當時與有力焉十八年二月崩本傳
四年今以世祖紀及后妃年表改正成宗卽位追上尊諡冊曰奉先思孝臣子之
至情節惠易名古今之大典惟殷娥有明德之號而周任著思
齊之稱爰考舊章式崇尊諡恭惟先皇后厚德載物正位承天
隆內治於公宮綱大倫於天下曩事龍潛之邸及乘虎變之秋

鄂清班師洞悉事機之會上都踐祚居多輔佐之謀先物之明
獨斷於衷進賢之公允叶於上左右我聖祖建帝王之極功撫
育我前人嗣社稷之重託臣下之勤勞灼見生民之疾苦周知
儼宸極二十年垂慈範千百世惟全美聖而益聖宜顯冊書而
屢書不勝惓惓懇懇之誠敬展尊尊親親之義以揚盛烈以對
耿光謹奉玉冊寶上尊諡曰昭睿顯聖皇后欽惟淑靈在天明
鑒逮下增輝焯管茂揚徽懿之音令饗太宮益衍壽昌之慶升
祔世祖廟 喃必皇后者亦弘吉刺氏納陳孫仙童之女也至
元二十年納爲后繼守正宮時世祖春秋高后頗預政柄大臣
每不得見帝輒因后白事有子一人名鐵蔑赤其餘四幹耳朶
尙有稱皇后者五人云

通鑑金臺集云國朝諸后太子陵皆在獨石北龍帽山

冊曰閨門近地王化所涵况當開創識量宜兼克勤克儉

紹美萬覃獨厚宋后尤人所難爲內助冠全德無慙

成宗皇后名失憐答里弘吉剌氏幹羅陳之女也大德三年立爲后生子德壽早薨無後武宗至大三年追上尊諡冊曰宗祧定位象天地之有陰陽今古同符通幽明以行典禮哀榮斯備孝敬兼陳恭惟先元妃弘吉剌氏慶毓仙源德昭彤史春宮主饋共瞻采翟之輝椒掖正名莫際飛龍之會惟貞協在中之美而慈推成物之仁靜既合夫坤元懿益彰於壺則雖小星之逮下豈衆曜之敢齊嗣服云初追懷曷已是用究成先志式闡徽稱謹上尊諡曰貞慈靜懿皇后升祔成宗殿室伏惟淑靈永伸配侑介以景福佑我無疆

卜魯罕皇后伯岳吾氏

武宗紀作伯要真氏

駙馬脫里忽思之女元貞元年立爲后大德三年十月授冊寶詔曰聖哲造邦始於官壺蓋風化之原人倫之本冊后有儀前

代令典世祖皇帝已嘗舉行朕卽位之初立元勲世戚伯岳吾
氏爲皇后然典禮未備比遵先制於十月日授以玉冊玉寶既
正位於長秋宜渙頒於大號故茲詔示咸使聞知

見典章

時帝多

疾后居中用事信任相臣哈剌哈孫大德之政人稱平允八年
正月平陽地震后召平章愛薛問曰災異如此殆下民所致邪
對曰天地示警於民何與后然之九年京師建天壽萬寧寺中
塑秘密佛形象猙獰后幸寺見之惡焉以帕蒙其面尋敕毀去
羣臣欲上尊號帝不允后方自奏請帝曰朕病日久國事多廢

不樂事尚理此虛文邪議遂寢然后自此得專制大德十年后

嘗謀反帝見答剌麻入刺之妃答吉與其子愛育黎拔力入達

名宗居懷州明年帝崩無子時答剌麻入刺長子懷寧王海山

名武宗方總兵北邊后恐其兄弟立報前怨乃命取安西王阿難

答來京師謀立之丞相阿忽台等欲奉后垂簾聽政遣師斷懷
寧歸路已而愛育黎拔力八達自懷州先入清官禁既誅安西
王并搆后以私通事遷居東安州尋賜死

武宗皇后名真哥弘吉剌氏脫憐子迸不刺之女也至大三年
冊爲后無子英宗卽位給鈔七十五萬貫泰定四年崩上尊諡
曰宣慈惠聖皇后順帝元統二年議立武宗后主丞相伯顏問
曰先朝旣以真哥皇后無子不爲祔廟今所當祔者明宗母邪
文宗母邪太常博士遼魯曾對曰真哥皇后早膺冊寶則文明
皇后皆妾也豈可以無子故不爲立主於是升祔之禮乃定

妃赤乞烈氏世祖皇子安西王忙哥刺之女所出生子和世疎
是爲明宗天曆二年追諡仁獻章聖皇后至正六年改擬徽號
曰莊獻嗣聖皇后順帝紀稱唐兀氏生子圖帖木爾是爲文宗

天曆二年追諡文獻昭聖皇后

本末紀要載速哥失里皇后爲真哥后之從妹

仁宗皇后名阿納失舍里弘吉刺氏生子碩德八剌是爲英宗
皇慶二年八月立爲后制曰朕荷天地祖宗之祐皇太后之訓
嗣大歷服思底于治必立元配表正六官咨爾弘吉刺氏實我
家世戚嫡嗣所自出積德流慶肆啟爾來嬪於朕淑慎孝恭令
譽昭聞承命慈闈爰正爾位今授爾玉冊玉寶命爾爲皇后惟
天地定位萬物以生日月並照萬國以明君后合德萬化以成
上以事上帝奉宗廟下以親九族正萬邦爲朕內助惟爾之賢
其永念厥德履中體順俾聖母暨予一人以寧豈惟爾嘉天亦
永相念爾共享有國爾其欽哉

見元文類
程鉅夫撰

翼日頒示天下詔曰

易述家人詩美關雎故帝王受命必建置后妃所以順天地之
義重人倫之本也弘吉刺氏蚤由世戚來嬪我家事太后有孝

恭之懿輔朕躬著淑慎之善已於三月日立爲皇后於戲位乎
內位乎外得政道之相成用之國用之鄉庶民風之丕變故茲
詔示咸使聞知

見典章

英宗嗣位尊爲皇太后冊曰坤承乾德所

以著兩儀之稱母統父尊爰以崇一體之號故因親而立愛宜
考禮以正名恭惟聖母溫慈和惠淑哲端懿上以奉宗祏之重
下以敘倫紀之常恢王化於二南嗣徽音於三母輔佐先考憂
勤警戒之慮深擁佑眇躬撫育提攜之恩至迫乎今日紹我不
基見慕一出於慈闈付託益彰於祖訓致天下之養以爲樂未
足盡於孝心極域中之大以爲尊庶可稱其嘉美式遵貴貴之
義用罄親親之情謹奉玉冊上尊號曰儀天興聖慈仁昭懿壽
元全德泰寧福慶皇太后伏惟周宗縣縣長信穆穆備洛書之
錫福聚坤極之承天啟佑後人永錫膺祚明日受百官朝賀于

興聖宮詔曰聖人之德無加於報本孝子之至莫大乎尊親朕
肇繼丕圖恪遵先典欽惟儀天興聖慈仁昭懿壽元全德泰寧
福慶皇太后仁明淵靜淑睿懿恭定大策於兩朝功施社稷著
徽音於四海慶衍本支夙荷宮慈撫予眇質思仰酬茲厚德宜
首進以隆名謹上尊稱曰皇太后於戲慶禮備成丕正彝倫之
敘綸音誕布聿新孝治之風咨爾多方體予至意

見典章

至治二

年崩追上尊諡曰致孝所以揚親易名所以表行矧爲天下
母而養弗逮履天子位而報未豐曷勝孺慕之心必盡欽崇之
禮欽惟先皇太后夙明盛則克嗣徽音輔佐先朝有恭儉節用
之實誕育眇質有劬勞顧復之恩九族咸育於仁四海仰遵其
德吳丁丑景命靡融膺聖善之長違念風猷之未泯是用揄
揚於彤史正宜敷錫於慈闈爰據彛經追崇廟號謹奉玉冊寶

上尊號曰莊懿慈聖皇后伏惟淑靈如在合饗太宮鑒格孔昭
膺茲鉅典陰相丕祚億萬斯年升祔仁宗廟

英宗皇后名速哥八刺亦乞烈氏昌國公主益里海涯女也至
治元年十二月冊爲后無子泰定四年六月崩諡曰莊靜懿聖
皇后英宗南坡之變典禮闕如後至元二年始同武宗明宗后
升祔入廟

泰定帝皇后名八不罕弘吉刺氏按陳孫幹留察見之女泰定
元年三月立爲后冊口在昔正始之道必先內治於以奉承宗
祧化成天下朕嗣大歷服祇循憲章宜資配助用彰位號咨爾
弘吉刺氏淑慎柔嘉遵道是行輔佐王邸謙抑自持實生元子
國本斯建與龍重鎮介子紹封粵若臨御之初贊畫計慮厥相
維多正位中宮天人協祥今授爾玉冊寶章立爾爲皇后坤順

承天人道攸則表正母儀萬邦是觀維躬儉節用則德音是嗣
惟求賢審官則私謁靡干匡朕德格朕心實爲有賴詩書所稱
罔專美於前代噫敬厥初終有慶尙其念哉以膺爾景命

見元文類

袁桷

妃三人曰撒答巴剌帝姊壽寧公主女泰定三年納之

宮中早卒曰必罕曰速哥答里皆弘吉剌氏脫憐孫克王買住

罕之女文宗天曆初與后俱徙東安州

按燕鐵木兒傳有取泰定后爲夫人語而表列

泰定后尚有亦憐真入刺皇后忽刺皇后也速皇后卜顏怯里
迷失皇后失烈帖木兒皇后鐵休皇后俱無傳未能定其所取
爲何后

紀事本末云泰定二年帝
與皇后亦憐真入刺受佛戒于帝師

明宗皇后名八不沙乃蠻真氏成宗之甥壽寧公主女也侍明

宗潛邸生子懿璘質班是爲寧宗天曆二年明宗稱制于和林

而文宗在上都已稱帝方往迎至旺忽察都之地明宗暴崩於

是文宗復卽位立寧徽寺俾掌明后宮事嘗以鈔萬錠幣帛二

千石供后宮費用后請爲明宗資冥福命帝師率羣僧作佛事
七月于大天源延聖寺道士建醮于玉虛天寶太乙萬壽四宮
及武當龍虎二山至順元年四月文宗卜答失里皇后與宦者
拜住謀弒后后暴崩後至元二年始同武英二后升祔入廟

妃名脫忽思主明宗幄殿至順二年賜湘潭戶四萬爲湯沐

適來廸者罕祿魯氏郡王阿兒斡蘭之裔也明宗北狩過其部

納焉生子妥懽帖睦爾是爲順帝當文宗在位忌之命侍書學

士虞集草詔言妥懽帖睦爾非明宗所出遷之廣西及卽位始

追尊爲貞裕徽聖皇后

史云文宗立卽上證問者誤

按妥懽

卽漢國公之弟者幾錄蓋有書藏國公事實今附見日程克勤
宋遺民錄載遼國公事以閩人余應詩及袁忠徹記爲徵椒丘
何爲新注余詩甚詳而袁記多所抵牾男初權衡作庚申帝大
事記與余詩若合符節權記云宋江甯歸附遼國公入都自願
爲僧白塔寺中已而徙甘州山寺有趙王者倅其老且孤贈以
回回女子延祐七年四月十六日夜生一男明宗適自北方來

見寺上有龍文五采訪之乃國公所居問曰子室有異乎
曰無有惟今早產一男耳明宗喜因求爲子并載其母以歸
委權帖木兒也以元史及諸書考之宋幼主降封瀛國世祖
金龍舒爪經駁柱明曰瀛國來朝立所娶姓下世祖欲除之遂
乞從釋號合尊大師史云瀛國以德祐丙子降年甫六歲後十
二年爲至元戊子學佛法于吐番余應詩云皇宋第十六飛龍
元朝降封瀛國公元君詔公尚公主時崇賜宴明光宮酒酣舒
指起金柱化爲龍爪驚天容侍臣獻謀將見除公主夜泣沽酥
陶幸脫虎口走方外易名合尊沙漠中此瀛國北徙之本末也
延祐丙辰仁宗命明宗出鎮雲南明宗不受命逃之漠北與瀛
國締交蓋在此時委權帖木兒以元統癸酉卽位年十四其生
在延祐庚申上距丙子凡四十四年而瀛國年始五十耳史云
明宗北狩過阿兒斯蘭之地納罕祿魯氏延祐七年四月丙寅
生帝于北方罕祿魯氏卽瀛國所納也余詩云是時明宗在沙
漠締交合尊情頗濃合尊之妻夜生子明宗隔帳聞笙簫乞歸
行營養爲嗣皇考崩時年甫童此明宗養子之本末也文宗疾
大漸召皇后太子大臣曰旺忽察都之事朕生平大錯我死迎
立受權帖木兒庶可見明宗于地下燕鐵木兒不可請立寧宗
不除月而崩久之乃奉太后詔迎妥權帖木兒于靜江余詩曰
文宗降詔移南海五年仍歸居九重此順帝嗣位之本末也蓋
妥權帖木兒非明宗子中外流聞大書特書傳播簡冊卽至元
六年丙申之詔有曰文宗私圖傳子謂朕非明宗子俾出居遐
既祖宗大業幾於不繼
在順帝亦不得而諱矣

文宗皇后名卜答失里弘吉剌氏駙馬魯王瑯阿不剌女也天曆元年立爲后二年二月授冊寶生子燕帖古思十一月后出銀五萬兩助建大承天護聖寺至順三年八月文宗崩于上都丞相燕鐵木兒請立燕帖古思后不從復申文宗固讓初志乃立明宗次子懿璘質班是爲寧宗時年甫七歲后同聽政十一月奉玉冊寶尊爲皇太后遂御興聖宮受朝賀寧宗在位踰月崩燕鐵木兒復請立燕帖古思后曰天位至重吾子尚幼明宗長子妥懽帖睦爾在廣西今十三歲矣理當立於是遣使迎至約傳值燕帖古思若武仁故事順帝元統二年上尊號曰贊天開聖仁壽徽懿昭宣皇太后後至元元年加上尊號曰貞文慈佑儲善衍慶福元太皇太后仍稱制臨朝詔曰欽惟太皇太后承九廟之托啟兩朝之業親以大寶付之眇躬尚依擁佑之慈

恪遵仁讓之訓愛極尊崇之典以昭報本之忱庸上徽稱宣告
中外南臺御史泰不花奏言嬭母不宜加徽稱后初聞之怒徐
解曰風憲有臣如此可謂能守祖宗之法者矣賜金幣以旌其
直六年六月詔削去尊號安置東安州尋卒于徙所諸詳順帝紀
冊曰婦人蔽固執初成風舍子立姪廓然大公報之非禮
乃不令終魯桓衛成宋之太宗因讓啟禍將無與同

寧宗答里也忒迷失皇后弘吉刺氏至順三年十月立爲后至
正二十八年崩升祔寧宗廟

順帝答納失里皇后欽察氏太平王燕鐵木兒女也至順四年
立爲后元統二年授冊寶三年后兄御史大夫唐其勢與丞相
伯顏爭權坐謀逆誅時后弟塔刺海走入宮匿后坐下后以衣
蔽之左右曳出斬首血濺后衣伯顏奏曰豈有兄弟爲逆而后

黨之者遂併執后后呼帝曰陛下救我帝曰汝兄弟爲逆豈能相救乃遷出宮尋鴆殺于開平民舍 伯顏忽都皇后弘吉刺

氏武宗真哥皇后姪毓德王孛羅帖木兒女也後至元三年立爲后生子二歲而天后性節儉不妬忌動中禮法第二皇后奇氏素有寵居興聖西宮帝希幸東內左右以爲言后無幾微怨望意從帝時巡上京次中道一夕帝遣內官傳旨欲臨幸后曰暮夜非至尊往來之候中使反復者再竟不納帝益賢之居坤德殿終日端坐未嘗妄踰戶閤至正二十五年八月崩年四十二奇氏見后遺衣機素損補笑曰正官所服何至如此踰月皇太子自冀寧歸哭之甚哀 完者忽都皇后姓奇氏高麗人起家徽徽政院使禿滿迭兒進之爲宮女主供茗飲后性媚目見寵幸生子愛猷識理達臘時答納失里皇后方驕妬知后當帝

意數箠辱之及后遇害帝欲立焉丞相伯顏爭不可伯顏既罷
學士沙剌班迎帝意請立爲第三皇后居興聖宮至正八年監
察御史李泌言世祖誓不與高麗共事陛下踐世祖之位何忍
忘世祖之言乃以高麗女並位中宮今災異屢起河決地震盜
賊滋蔓皆陰盛陽微之象乞仍降爲妃庶使三辰定位災異可
息不聽然后故能矯飾每服則取女孝經史書訪問歷代皇后
之有賢行者爲法四方貢獻珍饈輒先遣使薦太廟然後敢食
至正十八年京城饑后命官作糜粥以賑更出金銀粟帛命官
者材不花於京都十一門置冢收瘞死者遺骸十餘萬復命僧
建水陸大會度之時愛猷識理達臘已立爲皇太子諡計錄云皇太子在
端本堂忽一日帝師來啟母后曰向者太子學佛法頗覺開悟
今乃使習孔子之教恐壞太子真性后曰我雖居深宮不明道
德嘗聞自古及今治天下者須用孔子之道舍此他求卽爲異
端佛法雖好乃餘事耳不可以治天下安可使太子不讀書帝

師報服而退

帝頗怠於政后與太子遽謀專國帝覺其有異志怒疏之兩月不見初奇氏之族在高麗者怙后勢驕橫不悛高麗王伯顏帖木兒盡殺其族至是后謂皇太子曰爾年已長何不爲我復讎遂廢伯顏帖木兒別立其弟塔思帖木兒爲王以奇族子三寶奴爲元子以將作同知崔帖木兒爲丞相將兵萬人送之國至鴨綠江爲高麗伏兵所敗僅餘十七騎還后大慚悔二十四年七月太尉孛羅帖木兒自大同稱兵犯闕太子奔冀寧孛羅因譏御史武起宗奏言后撓亂國政宜遷出外帝不答明年三月孛羅矯制幽后于諸色總管府令其黨姚伯顏不花守之未幾脇后還宮取印章僞爲書召太子復出后幽之舊所后納美女於孛羅求免至百日始還宮孛羅既誅后又傳旨令擴廓帖木兒以重兵擁太子入大都欲挾帝禪位擴廓逆知其意

未至京城三十里卽散遣其軍事又中止

事見擴廓帖木兒傳

會伯顏忽

都皇后崩中書省奏請奇氏正位帝不答十二月始授冊寶立

爲后改賜蕭良哈氏詔天下仍追封奇氏三世皆王爵二十六

年六月千秋節百官進箋后諭左丞相沙藍答里曰自世祖以

來正宮皇后壽日未嘗進箋近年雖行不合典禮却之後從歸

沙漠 瓦只刺孫答里氏皇太子妃也至正二十六年四月立

後不知所終

臣曰有元叔風選與古異惟弘吉刺婚媾世締男皆尚主

女爲皇妃雖云德升亦曰族儷多后並嫡母乃非制

公主

烈祖女帖木倫

李禔子項兒哈孫札忽兒臣

太祖女火臣別吉

李禔

野立安敦

巴而忒的斤

阿刺海別吉

李要合

太宗女唆兒哈罕

結合附特薛定宗女葉里迷失君不巴巴哈兒火赤哈

憲宗女伯雅魯罕忽隣皇子拖雷女也速不花幹陳兒的斤

獨木干幹古世祖女兀魯真字花囊加真幹羅陳月烈愛不

忽都魯揭里迷失王傑太子真金女忽答迭迷失思里吉

木安忙哥脫鐵木兒木兒喃哥不刺蠻子成宗女亦里海牙阿失

愛牙失里吉思皇孫答剌麻八剌女祥哥刺吉瑯阿不刺

子阿里仁宗女濶濶倫脫羅明宗女不答昔里附安妥揮

魯倫普顏可里美思烟合牙月魯拜答沙等

烈祖女帖木倫適孛禿亦乞烈氏孛禿善騎射太祖初嘗潛遣
木兒徹丹出使過野兒古納河孛禿知之會日暮留止宿殺羊
爲食見其馬疲乏復假以良騎及還待之有加木兒徹丹歸具
以告太祖大喜許妻以皇妹孛禿因遣族人詣太祖致言曰臣

聞威德所加若雲開見日春風解凍喜不自勝太祖問李禿李
畜幾何對曰有馬三千請以其半爲聘太祖曰婚姻論財商賈
也昔人有言同心實難朕方欲取天下汝等効忠於我可爾何
以聘爲竟以皇妹帖木倫妻之旣而札赤刺反札木合脫也等
以兵三萬入寇李禿遣使來告乃與哈刺里札刺兀塔兒哈泥
等同討脫也掠其輜重寇盡降乃蠻叛太祖召李禿以兵至大
戰敗之皇妹薨太祖復以皇女火臣別吉爲繼又從木華黎略
地遼東西以功封冠懿二州從征西夏病卒進封昌王諡忠武
帖木倫號昌國大長公主 子鎖兒哈事太宗從木華黎取嘉
州遣使來獻捷太宗曰若父宣力國家朕昔見之今其子克光
前烈命以金錦金帶爲賜卒于中都鎖兒哈娶皇子濶出女安
禿公主生女爲憲宗皇后

當是通稱皇后者非貞節后也

孫札忽兒臣從定

宗討萬奴有功太宗命親王安赤台以女也孫真公主妻之卒封昌王札忽兒臣生二子長曰月列台尙皇子賽因主十女內無此名哈答罕次曰忽隣亦尙憲宗女其制凡王子女皆概未知何系稱公主云

太祖女大臣別吉公主適孛禿爲繼室封昌國大長公主

詳見上

野立安敦公主適巴而木阿而忒的斤亦都護亦都護者高昌國主號也先世居畏兀兒之地有和林山二水出焉曰禿忽刺曰薛靈哥一夕有神光降於樹在兩河之間居民往候之樹乃生瘰若懷妊狀越九月十日而樹瘰裂得嬰兒五人土人奇而收養之其最稚者曰布可罕既壯雄武遂能有其土地民人而爲之君長傳三十餘君是爲玉倫的斤事荒遠不能紀其世次玉倫的斤亦雄武數與唐相攻戰唐人患之議和親於是唐以

金蓮公主妻玉倫之子葛勵的斤居和林別力跋力答

猶言婦人所居

山也又有山曰天哥里于答哈

言天靈山也

南有石山曰胡力答哈

言福

也唐使與相地者至其國曰和林強盛賴此山耳壞其山則其

國可弱乃僞告玉倫曰旣爲婚姻將有求於爾其與之乎福山

之石於汝國無所用而唐人願見請載以歸許之石大不能動

以烈火焚之沃以醋其石立碎乃輦之去當福山之移也國中

鳥獸躑躅悲號若有所失者後七日玉倫的斤卒災異屢見民

弗安居傳位者又數亡乃遷于交州

卽火州

統別失八里之地北

至阿木河南接酒泉郡東至兀敦甲石哈西臨西番居是者九

百七十餘載至巴而木阿而忒的斤素臣事契丹爲其屬國歲

已巳聞太祖興朔方遂殺契丹所置監國官欲來附未行太祖

遣使適至其國亦都護大喜卽遣使入奏曰臣聞皇帝威德卽

棄契丹舊好歸命聖朝不意天使降臨下符夙願願率部衆爲臣僕遂朝太祖于怯綠連河奏曰陛下若恩顧臣使得與陛下四子之末庶可竭犬馬之報太祖感其言使尚公主野立安敦且令得與諸子序列後從遮別那顏征罕勉力鎖渾回鶻諸國將部曲萬人以先紀律嚴明所向克捷又從征你沙卜里及河西皆有功既卒子孫嗣爲亦都護

冊曰草昧之際率先歸命乃克世嗣知幾獲慶山焚國弱痿裂兒生代既綿邈言亦不經

阿剌海別吉公主適孛要合汪古部人父阿剌兀思剔吉忽里本自達達部主系出沙陀鴈門之後自遠祖卜國世爲部長金源氏壘山爲界以限南北阿剌兀思以一軍守其要衝爲諸國間鎖鑰時西北有國曰乃蠻其主太陽可汗心忌太祖遣使約

白達達部欲同據朔方部衆有欲從乃蠻者阿剌兀思不可執其使來告遂約同攻乃蠻先期至戰于沅海山大敗之降其國復從下中原爲嚮導南出界垣太祖使歸鎮本部旣還爲前部衆異議者所殺長子不顏昔班併死之其妻阿里黑攜幼子孛要合及從子鎮國夜遁至界垣告守者縋城以入因避地雲中太祖旣定雲中購得之賜與甚厚追封阿剌兀思別吉忽里爲高唐王命其子孛要合從攻西域還封北平王以女妻之則阿剌海別吉公主也公主素明敏有智略太祖征伐四出嘗使留守軍國大政悉諮稟而後行故師出無內顧憂中年未有子乃多進姬妾生三子視之皆如已出孛要合卒追封高唐王諡武毅成宗朝加贈駙馬都尉進封趙王公主追封皇祖姑趙國大

長公主

蒙達備錄云太祖女七人長曰阿其懿拽嫁豹突駙馬

寡居令領白韃靼國事有婦士數千人事之凡征伐斬殺皆自
已出三日阿五嫁尚書令國舅之子餘未知名又國王摩睺羅
之妻亦稱賴蠻公主未詳何帝女

太宗女唆兒哈罕公主適納合其祖曰特因弘吉剌氏世居朔
漠從太祖起兵有功賜名薛禪故兼稱曰特薛禪女歸太祖卽
光獻皇后子曰按陳從太祖征伐平西夏斷潼關道取回紇諸
城凡三十二戰皆有功賜號按陳那顏尋封河西王以統其國
族又賜俘獲軍民五千二百仍授萬戶領之女二人並歸憲宗
卽貞節皇后姊妹也孫曰納合至是尙太宗女按陳卒元貞元
年追封濟寧王諡忠武

定宗女葉里迷失公主適君不花趙武毅王孛要合長子也封
趙王諡忠襄子囊家台亦尙亦憐真公主未詳何帝女囊家台
子趙王諡忠烈君不花弟喬鄰察尙回紇公主囊家台子馬札

罕亦尙桑哥不剌公主皆封趙王不詳何帝女以上公主皆號趙國大長公主

巴巴哈兒公主適火赤哈兒的斤乃巴而朮阿而忒的斤曾孫也嗣亦都護當海都之亂叛王篤哇率兵十二萬圍火州六月不解以書射城中言能以女與我則休兵不則當急攻亦都護曰吾豈惜一女而不以救民命乎然忠臣不事二主吾終不能與之相見以其女縋城出與之篤哇始解去後入朝世祖嘉其忠使尙定宗女還鎮火州亦都護歸兵力尙寡北軍忽至大戰力盡死之子紐林的斤尙幼詣闕請兵復父讎帝壯其志妻以太宗孫女曰不魯罕公主未幾薨又尙其妹曰八卜叉留鎮永昌禦吐番能稱其職武宗名還仍嗣亦都護仁宗考稽故實改封高昌王賜金印其王印行諸內郡亦都護印行諸畏兀兒

境八十義薨復尚兀刺真公主安西王阿難答女也子帖木兒
補化大德中尚太宗濶端太子孫女朶兒只思蠻嗣高昌王泰
定中與威順王寬徹普化等分鎮襄陽文宗召至京佐平內難
天曆中累拜中書左丞相而帖木兒補化之先高昌王雪雪的
斤雪雪子荆南王朶爾的斤皆世尚主爲駙馬都尉但不詳所
尚何帝何公主云朶爾的斤子伯顏不花的斤官浙東宣慰使
見忠節傳

水東日記云按高昌王世勲碑帖木兒補化有二子長不答失里爾亦都護高昌王尚阿哈也先忽都公

主次伯顏

不花的斤爲太常鮮于思魯官浙東宣慰使不答失里子和賞嗣位鎮甘肅與本傳異

憲宗女伯雅魯罕公主適忽隣昌王札忽兒臣次子也未幾公主薨當脫黑帖木兒叛世祖命忽隣往討大戰克捷世祖嘉之復令尚憲宗孫女卜蘭奚公主朱平封以廣州乃顏聲刺哈兒叛帝親征時薛徹堅等與哈答罕屢戰帝召忽隣至值薛徹堅

等戰于程火失溫之地敵勢甚盛忽隣以兵二百出不意突擊敗之哈答罕走度祿河踰年帝命忽隣復征之至曲列兒塔兀見二河之間大戰其衆皆度塔兀河走餘各逃匿山谷忽隣率衆徒步追之薛徹堅止之曰彼亡命者不可輕身深入不聽直前往竟殪其衆又踰年復命征哈答罕與遇于兀刺河忽隣夜率千人襲其軍盡殺之卒贈駙馬都尉封王如其父諡忠宣

按劉

國傑傳云子脫歡爲湖廣平章尚憲宗女未詳何名

皇子拖雷女也速不花公主適幹陳濟寧王按陳那顏子也歲戊戌授萬戶尚主號魯國大長公主

獨木干公主適聶古解北平王鎮國之子也初阿剌兀思剔吉忽里遇害其妻挈幼子逃歸併其從子鎮國同至界垣太祖以其子李要合尚幼先封鎮國爲北平王子聶古解襲遂尙皇子

女後略地江淮卒于軍賜興州民千戶

世祖女兀魯真公主下嫁孛花駙馬都尉忽隣從弟也孛花弟鎖郎哈娶安西王忙哥刺女奴兀倫公主生女爲武宗皇妃實生明宗後諡仁獻章聖皇后

襲加真公主下嫁幹羅陳濟寧王按陳弟納陳子也初納陳襲萬戶師師伐宋攻釣魚山從世祖南涉淮甸平山東後北伐阿里不哥皆以其子幹羅陳等十人從至莽來由失木魯追擊至孛羅克禿白且及夕斬首萬級功爲最亦尙太祖孫女薛只干公主幹羅陳襲萬戶初尙完澤公主號魯國長公主完澤薨繼尙襲加真公主至元十四年幹羅陳卒無子弟帖木兒襲以從征乃顏功二十四年封濟寧郡王賜白傘蓋寵之討叛王哈丹等由剋刺兒河轉戰至惱木連河殲其衆賜名按察兒禿那顏

以旌其功卒子幼弟蠻子台襲萬戶而囊加真公主守節十餘
年後再適焉先是弘吉刺部族居苦烈兒溫都兒斤迭烈木兒
野里古納河之地後太祖屢賜按陳等農土猶言疆界也迤東絡馬
河至赤山塗河與亦乞烈思爲鄰迤南與國民爲鄰至元七年
幹羅陳及囊加真公主請於朝曰臣等所受上都東北三百里
答兒海子實本藩駐夏之地願建置城邑世祖許之城成賜名
應昌府後改爲路元貞元年蠻子台復與公主請於應昌路東
七百里駐冬之地建城邑成宗亦許之大德元年名其城曰全
寧路當至元初其所分燕南地則有濟寧路及濟兗單三州鉅
野鄆城金鄉虞城碭山肥城任城魚臺沛單父豐嘉祥滋陽寧
陽曲阜泗水一十六縣又汀州路長汀寧化清流武平上杭連
城六縣至大元年武宗又益賜永平路灤州盧龍遷安撫寧昌

黎石城樂亭六縣皆聽其陪臣爲達魯花赤其應昌全寧二路則自達魯花赤總管以下諸官屬皆得專任其陪臣而王人不與焉此外復有王傅府自王傅六人而下其羣屬有錢糧人匠鷹房軍民軍站營田稻田烟粉千戶總管提舉等官以署計者四十餘以員計者七百餘其五戶絲金鈔之數濟寧路則三萬戶汀州路則四萬戶絲以斤計者歲二千二百有奇鈔以錠計者歲一千六百有奇此所謂歲賜者也蓋弘吉刺氏爲有元功臣之首戚畹之宗故一時寵賚之盛莫與比成宗初封囊加真爲皇姑魯國大長公主以金印封蠻子台爲濟寧王賜銀七萬六千五百兩且爲公主建佛寺于應昌給鈔千錠蠻子台嘗私殺罪人御史臺言其專擅帝令諭彼知之奉命討海都篤哇旣與之遇未陣單騎突入往復數四敵大擾一戰遂捷時武宗在

耶鎮朔方有旨令蠻子台總蒙古軍民官輔之守莽來以遏
北兵襲加真公主薨繼尚太子真金女喃哥不剌公主按陳弟
曰火忽有孫曰不只兒亦尙公主曰幹可真濟寧郡王帖木兒
次子桑哥不剌自幼奉世祖命養于幹可真所不知爲何帝公
主表亦未詳

冊曰功雖最高賞亦無藝北旣延袤南復屬隸纍若臣僚
充盈金幣尾大不掉亦非長計

月烈公主世祖季女也下嫁趙武毅王孛要合次子愛不花中
統初統兵討阿里不哥敗濶不花于按檀火爾歡之地圍李壇
于濟南獨當一面又從征西北叛王之黨皆有功亦封趙王諡
武襄公主號趙國大長公主

忽都魯揭里迷失下嫁高麗世子王愷初至元八年高麗王王

植遣使入朝請結婚世祖許之十一年五月皇女下嫁七月王

植薨命慤襲爵十一月公主入高麗十三年慤表奏改名勝十

五年賜駙馬高麗王印

俱詳高麗傳

成宗卽位封皇姑安平公主元

貞二年史臣進所譯世祖實錄帝曰忽都魯揭里迷失非昭睿

順聖太后所生何爲亦稱公主蓋庶出也子諫尙皇孫甘麻刺

女薊國長公主十答失利生子燾初尙營王也先帖木兒女漢

國長公主亦憐只班繼尙魏王阿木哥女曹國長公主金童燾

弟高亦娶梁王松山女皆稱高麗王妃

世祖本紀載中統四年給公主拜忽符印其所

屬置達魯花赤賜所部鈔千錠又給公主銀五萬兩未詳駙馬名

太子真金女忽答迭迷失公主適闊里吉思趙武襄王愛不花

之子也性勇毅習武事尤篤好儒術嘗築萬卷堂於私第日與

諸儒討論經史性理陰陽術數靡不該貫繼尚成宗女愛牙失

里公主宗王也不干叛濶里吉思率精騎千餘晝夜兼行旬日
追及其馬尾時方暑將戰北風大起左右請待之濶里吉思曰
當暑而風天贊我也策馬赴戰騎士隨之盡殲其衆也不干以
數騎遁去濶里吉思亦身中三矢斷其髮凱還賜金如賞例成
宗卽位封高唐王時西北蠢動再三請往討帝乃許及行且誓
曰此去不平定西北吾馬首不南大德元年夏遇敵于伯牙思
之地衆謂當俟大軍畢至與戰濶里吉思曰大丈夫報國而待
人邪卽整衆鼓譟進擒其將卒百數以獻詔賜世祖所服貂裘
寶鞍及介冑戈戟等物二年秋諸王將帥共議防邊咸曰敵往
歲不冬出且可休兵境上濶里吉思曰今秋候騎來者甚少所
謂鷲鳥將擊必匿其形備不可緩也獨嚴兵以待是冬敵果大
至三戰三克遂乘勝逐北深入險地後騎不至馬蹏被執敵誘

之使降不屈又欲以女妻之濶里吉思毅然曰我帝婿也若何
人而婿我敵不敢逼帝嘗遣其家臣至敵境濶里吉思一見輒
問兩宮安否次問嗣子何如言未畢左右卽引去竟不屈死九
年追封高唐忠憲王加駙馬都尉階爵如其祖公主皆封趙國
大長公主 子术安幼諂以其弟术忽難襲高唐王术忽難才
識有父風撫民御衆境內乂安亦尙阿失禿魯公主不詳何帝
女痛其兄死節教養术安過於己子命家臣中謹厚者掌其兄
之珍服秘玩待术安成立悉以付焉至大二年加封趙王卽以
讓术安卒封鄒王諡忠襄三年术安襲趙王尙晉王女阿剌忒
納入刺至治元年賜鈔五十萬貫封趙國公主一日术安召王
傳脫歡謂曰先王旅殞卜羅荒遠之地神靈何依痛心寃突若
得歸葬先塋瞑目無憾其傳爲之請帝嗟悼良久曰孝子也卽

命脫歡之子失忽都乘傳往遣兵五百人護行至殯所奠告啟視尸體如生遂得歸葬

問曰謀勇邁倫忠節蓋世雖當死亡不易其志爲弟則友爲子克孝至行一家史書炳耀

忙哥台公主適脫鐵木兒不詳其氏族大德十年封濮陽王賜

金印封公主爲鄯國大長公主

按羊表及通考俱無鄯國止有鄯國大長公主惟哥台適駙馬

寧遠郡王昌吉惟仁宗紀則有封鄯國爲大長公主之文未知孰是皇慶元年四月置濮陽王傳

官四員復賜西寧州租稅十月封脫鐵木兒爲岐王延祐四年

加封公主爲皇姑大長公主賜金銀鈔幣各以三千計

喃哥不剌公主適蠻子台初蠻子台先娶其嫂囊加真公主至

是復以太子真金女爲繼室

詳見上

成宗女亦里海牙公主下嫁阿失駙馬都尉忽隣子也大德五

年從晉王討篤咄戰于哈刺答山射篤咄中膝幾殲其黨篤咄
僅以身免至大元年封昌王賜金印置王府官屬仁宗朝復賜
寧昌縣租稅繼尙憲宗曾孫女買的公主泰定元年封皇妹昌
國大長公主給銀印

愛牙失里公主下嫁闊里吉思爲繼室封趙國大長公主

詳見上

皇孫答剌麻八剌

廟號順宗

女祥哥剌吉適瑯阿不剌萬戶薛羅陳

長子也武宗初襲萬戶尙主封皇妹魯國大長公主賜瑯阿不
剌金印封魯王以永平路爲公主分地食其租更欲賜其路鹽
課中書省執不可乃止仁宗卽位進號皇姊大長公主賜鈔萬
錠尋奉皇太后旨以永平路歲入除經費外悉以賜之泰定元
年以公主女適懷王圖帖睦爾是爲文宗卜答失里皇后文宗
卽位賜鈔二萬錠構居第諭侍臣曰皇姑魯國大長公主蚤寡

守節鞠育遺孤子襲王爵女配予一人其在庶民之家尚當表
揚以勵風化况屬懿親乎乃議加封號曰徽文懿福貞壽大長
公主以淮淪山東河間四轉運司鹽引六萬爲湯沐費至順元
年九月丙申以公主邸第未完給鈔萬錠命平章亦列赤董其
役已亥賜平江官田五百頃壬寅賜鈔萬錠命丞相燕鐵木兒
詣其第送之二年公主薨子阿里嘉室利至大三年甫八歲
襲萬戶四年襲封魯王尙朶兒只班公主不詳何帝女至順間
封號肅雍賢寧公主弟桑哥不刺成宗時尙普納公主亦不
詳何帝女至順間封鄆安大長公主桑哥不刺封鄆安王授金
印元統元年授萬戶二年加封公主號皇姑大長公主桑哥不
刺爲魯王

仁宗女闊闊倫公主下嫁脫羅禾特薛禪之孫也先尙不魯罕

公主不詳何帝女繼尙闕闕倫公主英宗至治二年封公主速哥八剌爲趙國大長公主并封其乳母爲順國夫人以世次考之亦仁宗女

秦定間帝師瑣南藏卜尙公主封白蘭王見方外傳未詳公主何號

明宗女不答昔里順帝至正元年封皇姊明惠貞懿大長公主賜平江田五十頃又有妥妥輝者元統二年封皇姑英壽大長公主不詳何帝女并所適何駙馬攷公主表內有脫脫灰者稱世祖孫女適禿滿答兒駙馬或卽妥妥輝之通音與外有魯魯罕公主適昌忠宣王忽隣從弟字花弟唆都哥繼尙魯倫公主後至正二十三年封寧昌郡王賜龜紐銀印子不鄰吉反又尙普顏可里美思公主嗣封寧昌郡王而昌王阿失子八剌失里

亦尙烟合牙公主泰定元年命往鎮阿難答所居之地八剌失
里于沙藍朶兒又尙月魯公主皆襲封昌王以上公主皆號呂
國大長公主又有拜塔沙公主適濟寧王按陳裔孫買住罕台
忽魯都公主適按陳裔孫丑漢則皆下嫁于弘吉剌氏者也仁
宗朝丑漢封安遠王出總北軍守莽來而公主則皆不詳何帝
女順帝至元五年封月魯公主爲皇姊昌國大長公主則疑其
爲明宗之女輟耕錄云順帝長公主駙馬剛哈刺咱慶王元統
間醫莫能治廣惠司卿聶只兒乃回國人也識此症遂剪去
之至開復生一舌又剪之而真舌遂愈未詳公主名楊慎滇
載記云大理三代總管信直段慶入朝封宜武將軍妻以公主亦未詳何帝女

續弘簡錄卷二十九終

續弘備錄元史類編卷之三十

皇清詹事府少詹事仁和邵遠平戒山學

系屬

納真

買奴

祖系始

糊只哈兒

月魯帖木兒

哈赤溫

鐵木哥幹

赤斤

脫脫

別里古台

罕秃忽口溫不花

瓜都上烈祖系

乃顏

木赤

拔察合台

秃刺

阿刺忒納答兒麻

拖雷

旭烈兀牙忽都

末哥

阿里不哥

撥緯

潤出

失烈門

合失

察海都八兒

合丹

滅里

秃滿上太

宗系

玉龍答

失微

微

昔里吉

晃火帖木兒

真金

忙哥刺

阿難答

南

木合

忽哥赤

也先鐵木兒

愛牙赤

奧魯赤

老的罕

潤潤

潤潤

脫歡

老章帖木兒

不花

寬徹普化

不答

失里上世祖系

甘麻刺

王松山

王禪

仁

巴刺

失里

荅刺麻

八刺阿木哥

太子

真金系

兀都思

不花

宗

仁

系

阿速吉

泰定帝系

阿刺忒納

荅刺

燕帖

古思

宗

系

識理達臘

買的里八刺

上順帝系

始祖孛端父兒子曰巴林昔里刺禿哈必畜孫曰咩麻篤敦皆單傳咩麻篤敦生七子長曰旣孛篤見罕餘名皆不傳其季曰納真爲贅壻于八刺忽民家初納真兄六人與押刺伊兒部鬪爲所破六人者皆死而納真獨以贅不及難聞其家被禍歸視之見病嫗十數惟長兄一子海都幼尙存乃共至八刺忽之地止焉海都旣長衆立之爲君遂役屬諸部納真子孫後爲兀察兀禿部海都子曰拜住忽兒孫曰敦必乃相繼立敦必乃子六人長葛术虎子孫爲那哈合兒部次葛忽刺急哩怛子孫爲大八魯刺斯部次合產子孫爲小八魯刺斯部次哈刺刺歹子孫爲博歹阿替部次葛赤渾子孫爲阿荅里急部其季曰葛不律罕嗣位亦生七子長巢斤八刺哈哈子孫爲岳里斤部次八里

丹嗣位餘無後八里丹子四人長次皆無後烈祖也速該居第三遂并吞諸部勢寢盛其弟曰答里真 答里真五世孫曰買

奴英宗南坡之變買奴逃赴晉王也孫鐵木兒所願効死力及

晉王爲泰定帝買奴復言不除元兇則陛下美名不著天下後

世何從而知非與聞其故乎於是盡誅逆黨帝以宗戚中能自

振拔盡忠朝廷者惟此一人特封泰寧王賜泰寧縣五千戶爲

食邑二年徙封宣靖王鎮益都天曆二年文宗卽位王入覲賜

控鶴士二十人至順二年置王傳官後至元二年進封益王至

正十七年三月毛貴陷益都王遁走輟耕錄云海都次子察剌罕寧兒收兄拜住忽兒妻

生一子僚忽真兀脫迭葛子孫爲昔卽兀刺拜住忽兒次子直

聖斯子孫爲大丑兀禿按本紀稱泰定元年三月泰寧王買

奴卒以其子亦憐烈祖生五子太祖居長次糊只哈兒王輟耕錄作溜王五世孫

賣公簡錄 三 只哈徹兒

日月魯帖木兒泰定三年嗣封齊王文宗初立丞相倒刺沙起兵上都與遼王脫脫共立泰定子阿速吉八爲帝屢入犯大都月魯帖木兒以兵圍上都殺脫脫執送倒刺沙赴京師論功居最天曆二年薨

次哈赤溫大王孫曰合丹世祖至元中乃顏叛合丹附之屢入寇次孫朶列納皇慶元年封吳王三世孫爲木喃子潑皮天曆二年並徵至京至順元年徙封木喃子爲吳王潑皮爲濟陽王三年木喃子同諸王答都等俱入朝

次鐵木哥幹赤斤所謂皇太弟國王幹嚕那顏者也初太祖議伐乃蠻羣臣謂方春馬瘦宜俟秋大舉太弟曰事所當爲斷之在早皇季弟別里古台時掌乞列思事乞列思者禁外繫馬所也亦力言乃蠻可克遂與皇弟哈撒兒舉兵大破之降其衆薨

後子孫最爲蕃盛 五世孫脫脫延祐三年封遼王當英宗遇
弒晉王將卽位脫脫知有赦乃挾轡殺親王妃主百餘人分其
羊馬畜產泰定元年御史傅巖起李嘉賓言其乘國難誅鋤骨
肉罪惡已彰如令歸藩譬之縱虎出柙宜別立近族嗣其位不
報已而監察御史董鵬南等復奏遼王擅殺宗親蒙恩寬宥爲
失刑乞正其罪又不允致和元年泰定帝崩于上都丞相燕鐵
木兒舉大義迎立文宗上都諸王分道入犯留脫脫等居守齊
王月魯帖木兒圍上都脫脫兵敗被殺其子八都復聚黨出剽
掠敕宣德府官捕之南臺御史言遼王脫脫自祖父以來屢爲
叛逆蓋因所封地大物衆今宜削其王號處其子孫遠方而析
其元封分地不果行天曆二年詔封牙納失里爲遼王以脫脫
故印給之

次別里古台

輟耕錄作廣寧王又云即寧魯古歹

太祖季弟也多智畧勇力絕人

幼從太祖平諸部落命掌從馬蒙古初制掌從馬者皆腹心近臣遇敗則牽從馬太祖宴諸部族或有圖害之者以刀斫其臂傷甚太祖怒索誅之別里古台曰今將舉大事不可以臣故生釁隙且臣雖創甚幸不至死請勿治以安反側太祖允賢之當創業之初征取諸國無日不在軍中摧鋒陷陣不避艱險太祖嘗曰有別里古台之力哈撒兒之射朕取天下足矣嘗立爲國相又長大宗正別授之印賜蒙古民三千戶及廣寧路恩州二城爲分地又命以鞬難怯魯之地建營居之江南平加賜信州路及鈐山州二城子三人長罕禿忽剛猛知兵從憲宗征伐多立戰功子霍歷極以疾廢世祖命居恩州以統其藩人薨子塔出嗣好學通經史能撫恤其民次也速不花子瓜都中統

元年與親王合丹等率東道諸王來會于開平勸進以推戴功
封廣寧王賜銀印瓜都次子乃顏至元二十四年遣使徵東道
兵反世祖親征之其將金家奴塔不帶擁衆號十萬進逼乘輿
帝命李庭將漢軍玉昔帖木兒將蒙古軍抱火礮夜入其陣礮
發衆潰乃顏敗走追執之

詳世祖紀

次口溫不花太宗四年與太

弟拖雷合攻釣州敗金師七年領兵入淮西九年攻河南下光
州降隨州畧地黃州轉戰至安豐宋知安豐軍杜杲禦之乃引

還張德輝對世祖有曰請遣族人之賢如口溫不花者使掌兵

柄其爲人推重如此

按太祖本紀自云我兄薛徹別弟大丑實我伯祖八剌哈之裔火察兒實我伯父聶

坤之子按彈實我祖忽都刺之子衆皆欲立之伊等固辭始推我爲主其所自皆未詳

蒙達備錄云太祖皇帝兄弟凡四人

太祖居長大皇帝弟久已陣亡二皇帝弟名便古得那見在國中三

皇弟名忒殺葛真所統多自己人馬善戰有功其名皆與元史

異姑存

以備攷

太祖皇帝六子太宗居第三其長曰朮赤性卞急而善戰分封

西北其地極遠去京師數萬里驛騎急行二百餘日始得達以

故其地郡邑風俗皆莫得而攷常從太祖率師徇金地及征西

域下養吉千八兒等城

大方通鑑云朮赤伐烏思憾哈納思帖良兀克失的迷火因亦兒干等部皆降

之時太祖十二年歲丁丑事

已復會師八魯灣川遂定西域早薨

子拔都

太宗時率皇子征西番有功定宗崩三歲無君衆未知所立拔

都獨推戴憲宗諸王大臣議乃定

詳憲宗紀

次察合台性縝密爲衆所畏服與兄朮赤並從太祖伐金征西

域屢著戰功

見太祖紀

世祖至元三年始建太廟定八室之制修家

人禮奉皇伯考朮赤於第四室察合台於第五室歲用冬祀武

宗定廟室爲東西次乃罷祔享

四世孫曰禿剌少以猛悍著

當成宗崩左丞相阿忽台謀立安西王阿難荅潛推皇后伯岳

晉氏傳制中外洵懼仁宗入平內難阿忽台有勇力人莫能近
禿剌實手縛之武宗卽位第功封越王以慶元路爲食邑禿剌
以功大賞薄居常快快不得志一日武宗幸涼亭將御舟禿剌
前止之帝曰爾何爲曰人有恒言一箇中麋母口自能百兔未
得未可遽止此蓋國俗輕誚之語而禿剌引之涉不遜帝知其
怨望銜焉旣而大宴萬歲山禿剌醉起解腰帶擲地瞋目謂帝
曰爾與我者止此爾帝益疑其有異志命諸王大臣鞠之辭服
遂伏誅子阿刺忒納失里至大三年寧王濶濶出謀不軌陰
許助之事覺與祖母母妻俱竄於漠北泰定初召還命出鎮沙
州賜鈔三千錠文宗入立以推戴功封安西王尋進封豫王賜
南康路爲食邑天曆二年以其父越王印與之出鎮雲南至順
元年置王傅等官遣鎮西番授金印二年與武靖王搠思班同

討雲南叛蠻禽其渠長磔之以徇仍命分兵共守一歲以鎮輯
之後至元三年買池州銅陵產銀地一所願出私財煅煉而輸
課於官順帝從其請至正十六年命與陝西省官商議軍機從
宜攻討先是其弟答兒麻討南陽賊有功以兄安西王已爲豫
王命以安西王印與之鎮寵吉兒之地十八年詔阿剌忒納失
里徙居白海尋遷六盤

第四子拖雷與太宗同母方太祖崩遺命以太宗爲嗣時太宗
尙留霍博之地國事無所屬拖雷稱四太子監國蓋虛位者踰
年乃召諸王宣遺詔定大策歲己丑太宗始卽位當是時元有
天下已三分之二太宗有意混一惟拖雷知之太宗深爲倚托
明年太宗自將伐金命拖雷帥師從破天城堡拔蒲城縣聞金
帥完顏合達蒲阿守百濟遂渡河攻鳳翔會前軍戰不利急從

太宗往援合達乃退辛卯破洛陽河中諸城及鳳翔旣下金降
人李昌國進曰金遷汴二十年其所恃以安者黃河潼關之險
爾若出寶雞侵漢中不一月可達唐鄧金失其險首尾不相顧
我師取金如探囊底物矣拖雷然其言白於太宗太宗喜謂諸
王大臣曰昔太祖嘗有志此舉不意拖雷能言之遂大發兵太
宗將中軍由盩子城南下渡河自洛陽進拖雷總右軍自鳳翔
渡渭水過寶雞入小潼關涉宋境汭漢水而下期以明年春合
南北軍攻汴遣速不罕詣宋假道淮東以趨河南宋統制張宣
殺使者拖雷怒曰彼方遣苟夢玉來通好何遽殺我使且食言
非信也背盟非義也棄好非仁也忘仇非勇也吾師有名矣乃
分兵攻宋諸城堡長驅入漢中破武休關圍興元軍民散走進
襲四川陷閬州過南部而還

續綱目云拖雷分騎兵三萬入大散關破鳳州徑趨華陽屠洋州攻

武休關生山截焦崖出武休東南遂圍興元分軍而西由沔州
取大安軍路開魚鰲山撤屋爲筏渡嘉陵江入關堡並江趨蔭
萌畧地至西水縣破城寨百四十而還東軍屯
興元洋州間以趨僥風關由金州而東取沔
州以前鋒三千人被全兵十萬于武當山徑趨鈞州渡漢水行
抵沔遣騎馳白太宗太宗方詣漢水將分兵應之會使至卽遣
歸俄令合兵拖雷旣渡漢江金合達蒲阿據隘伏兵二十餘萬
于鄧州西以待時拖雷兵不滿四萬乃悉留輜重選輕騎進戰
于禹山佯北以誘之金人不動拖雷舉火夜行合達聞其至退
保鄧州攻之三日不下俄引而北合達合步騎十五萬蹶其後
拖雷引兵偃旗鼓忽不見中夜則多鼓金聲以擾之金人益不
測時太宗亦由白坡渡河遣親王口溫不花來會會大雨雪金
人凍僵仆不能軍拖雷欲進擊諸將請俟車駕至拖雷曰機不
可失彼脫入城未易圖也况大敵在前敢以遺君父乎奮擊于

三峰山大破之追奔數十里資仗委積金之精銳俱盡合達走
鈞州城破死焉蒲阿走汴至望京橋被禽拖雷欲降之不屈死
太宗尋至三峰按行戰地顧謂曰微汝何能致此捷拖雷從容
對曰此上天之靈皇帝之福臣何力之有已從太宗進拔許州
定河南諸郡有金將詣帳前白事問其名曰我忠孝軍完顏陳
和尚也大昌原倒回谷之勝皆我也我死亂軍中天下必無知
我者拖雷義之勸其降至死不屈以馬湏爵而祝曰好男子他
日再生當令我得之壬辰四月由半渡入真定過中都出北口
駐夏于官山五月太宗不豫拖雷禱於天請以身代取巫覡祓
除水飲之居數日疾愈乃從太宗北還九月至阿剌合的思之
地得疾薨憲宗初立追上尊諡曰英武皇帝廟號睿宗二年合
祭昊天后土以太祖睿宗配世祖至元二年改諡景襄皇帝武

宗至大二年加上尊諡間曰詣泰壇而請命有稱天以誅之文
薦清廟而致嚴蓋古昔相承之典剛辰爰卜遺美載揚欽惟睿
宗景襄皇帝孝友溫恭聰明濬哲屬我家肇造於朔土佐聖祖
造征於四方逮天討之奉行致皇威之遐暢金源假兩河之息
天水逾通好之盟遂移秦隴之師爰有褒斜之舉旣平南鄭順
流而東再涉襄江自上而下乃脊三峰之捷實開萬世之基唇
旣亡而齒亦寒虢可伐而虞不臘適英文之遘豫國中夏之底
寧母作神羞請以身代爰俟金縢之啟已知寶祚之歸迺我後
人紹茲明命徽稱顯號雖已擬諸形容玉檢金泥尙未遑於潤
色謹奉玉冊玉寶加上尊諡曰仁聖景襄皇帝伏惟端臨展座
誕受鴻名億萬斯年永錫繁祉

見元文類
劉賡撰

妃名唆魯忽帖尼亦

怯烈氏

大方通鑑云本克烈
王之弟阿剌都文

生憲宗世祖相繼爲帝憲宗二年

卒至元二年追上尊諡曰莊聖皇后

本紀作莊獻

升祔睿宗廟至大

二年加諡顯懿莊聖皇后子十一人長憲宗次忽覲都四則世祖六旭烈兀七阿里不哥八撥綽九末哥十歲都哥十一雪別台餘名皆不傳旭烈兀憲宗三年受命與大將兀良合台征

西域哈里發八哈檣諸國八年平之擒其王又西渡海收富浪

諸國轉戰萬里遂世鎮其地憲宗崩世祖北還旭烈兀自西域

遣使勸進曾孫合贊大德八年自西域遣使貢方物四世孫出

伯初封威武西寧王賜金印大德十年命領甘肅等地軍站事

明年進封肅王至大元年獻玉六百一十五斤子喃忽里延祐

七年襲封幽王阿里不哥當憲宗南伐宋命留守和林憲宗

崩于蜀時世祖以太弟渡淮聞宋鄂州國內虛諸大臣各觀望

所立陝西行省丞相阿藍荅兒等謀立阿里不哥爲帝遣脫忽

思括民兵世祖北還諸王皆會于開平惟阿里不哥不至聞世祖既卽位乃命阿藍荅兒發兵漠北分遣腹心易置將佐散金帛以資士卒又命行尙書省劉太平霍魯懷拘收關中錢穀時渾都海屯軍六盤太平等相與結納爲表裏阿里不哥遂稱帝于和林阿藍荅兒渾都海舉兵謀拒命親王合丹等擊敗之世祖命廉希憲安撫陝西比至旣宣詔卽遣人捕誅太平魯懷等旣而渾都海阿藍荅兒合軍而東官兵追斬之中統二年十一月帝自將討阿里不哥遇于昔木土腦兒之地命合丹等爲前鋒殲其兵三千人追北五十餘里帝親率諸軍躡其後降其部將阿里不哥乃北遁至元元年七月與諸王玉龍荅失阿速帶昔里吉來歸世祖以諸王皆太祖之裔並釋不問子三人孫五人第三子孛羅大德十年封鎮寧王賜金印延祐四年進封冀

王置王傳等官四曰藥木忽兒至元十四年與昔里吉脫脫木
兒等劫北平王南木合以叛後來歸大德三年封定遠王賜金
印九年改封威遠王至大元年進封定王 庶子撥綽驍勇善
騎射憲宗命北征欽察有功賜號撥都其孫曰牙忽都年十三
世祖命其統祖父軍從北平王南木合北征諸王昔里吉叛遣
人誘脅之不從事王益忠謹未幾昔里吉以兵攻王牙忽都被
獲拘繫困辱備至不稍屈丞相伯顏帥師討叛者牙忽都以其
閭潛結赤斤帖木兒禿禿哈等亂其陣陣動得脫歸見帝鬚髮
盡白帝憫之賞資甚厚至元二十一年命與禿禿哈同討海都
牙忽都先登譟知堅瑕直前衝敵陣殲其精兵海都敗走二十
七年海都復入寇牙忽都妻孥牙帳方駐不思哈刺嶺上悉爲
所掠并與其子脫列帖木兒相失獨從十三騎奔還世祖撫慰

之賜爵鎮遠王以弘吉刺氏女具資裝賜焉武宗撫軍漠北請以子脫列帖木兒從海都篤哇入寇脫列帖木兒將兵千人擁護先後力戰功居最留軍中者十年成宗崩安西王阿難答謀竊大位牙忽都曰世祖皇帝嫡孫在神器所當屬安西藩王也入繼非制不從武宗卽位進封楚王以駙馬都尉都刺哈女弟妻之又以海都子察八兒親屬爲賜命脫列帖木兒襲封鎮遠王至大二年察八兒來朝宗親皆會牙忽都進曰昔我太祖肇造丕基列聖嗣位未遑統一世祖創平海宇顧惟宗室諸王弗克同堂而燕賴陛下神武西北裔親首先効順叛王察八兒舉族來歸內外境土悉爲一家地大物衆仁漸義育可謂盛矣昔我太祖有訓臣嘗與間治亂國者宜齊之以法所以辨上下定民志如洪枝不剪已見聖恩而利本之顛僭竊迭見因循不改

民將生心乞畫一其法俾有所懲勸帝嘉其言牙忽都身一宗
命脫列帖木兒嗣楚王延祐中明宗出封周王至陝西兵變
列帖木兒坐累徙西番沒其家貲之半明宗卽位制曰脫列帖
木兒何罪其轉徙籍沒豈不以朕故邪令復王號人民貲帑悉
歸之 末哥 按憲宗世祖紀多稱木哥或莫哥或穆哥疑係一人但無確據不便採入忽覲都歲都
哥雪別台皆無考

間曰混一之議實開厥先運籌効力爰闢疆埏用啟世祖
受命永年居中監國乃讓其兄二子並帝食報亦豐

第五子曰兀魯赤無嗣六子曰濶列堅子忽察封河間王四世

孫脫歡封安定王

蒙達備錄云太祖有子甚多長子朮因破金

子名約直三太子名阿戴四太子名闕五太子名龍孫

皆正后所生其下十數人皆庶出按此與元史全異

太宗皇帝七子定宗居長次濶端太宗七年奉命征秦鞏攻石

門入沔州明年取成都招降利州潼川諸路十一年始班師子
五人次蒙哥都子亦憐真元貞二年命駐夏于晉王怯魯剌之
地大德元年來朝薨于道賜幣帛五百疋

次濶出

本紀作曲出

太宗七年受命與胡土虎伐宋次年十月薨于

師子失烈門太宗嘗撫之宮中稱太孫遺命嗣立定宗崩皇后
降元立海達失氏抱之聽政諸王大臣皆不服共議立憲宗憲
宗既立禁錮失烈門于沒脫赤之地會孫阿魯灰封襄寧王至
元中從乃顏叛大德十年來降至大二年以濶出五世孫也速
不干襲封襄寧王

次哈剌察兒又次合失

輟耕錄作合昔歹

合失子卽海都也世祖至元

中諸王乃顏反未正其罪海都以太宗孫世居北方久蓄叛志
方俟釁而起未幾果反帝將親征又念懿親之故猶欲懷之以

德遣尙書昔班往諭令罷兵入朝海都已聽命退軍會丞相安
童率兵先破其部曲盡獲其輜重海都懼不敢至自後屢寇邊
叛者又附海都爲名乃詔丞相伯顏討之海都屢敗脫走大德
三年成宗命兄子海山即武宗往鎮北邊數敗海都于濶別列之

地五年海都與篤哇諸部大舉入寇海山親督欽察軍奮擊大
破之射篤哇中輦號遁去海都不得志旋走死當篤哇之敗也

諸叛王相聚謀曰昔我太祖艱難以成帝業我子孫弗克靖恭
運年構兵致相殘殺是自隳祖宗業也今撫軍鎮邊者皆吾世
祖嫡孫吾誰與爭哉遂與海都子察八兒篤哇子欽徹羣請罷
兵通一家之好帝嘉之詔安西王愼飭軍士安置驛傳以俟其
來八年察八兒遣使內附賜幣六百匹至大三年察八兒入朝
詔赦其罪先是世祖以海都叛命積其分地五戶絲作幣帛俟

其來降賜之藏二十餘年矣至是省臣以爲請帝曰世祖謀慮深遠若是待諸王朝會頒賞畢卿等備述其故與之使彼知愧延祐二年封察八兒爲汝寧王置王傳官以其屬戶匱乏給糧一歲仍俾屯田自贍

大合丹憲宗初以諸王嘗欲立太孫失烈門乃分遷之各邊合丹被遷于別失八里之地世祖還至開平合丹率西道諸王來勸進尋奉命討平阿藍答兒渾都海之亂與諸王按只帶並受賜綺帛明年從討阿里不哥斬其將合丹火兒赤及其兵三千人

按本紀當乃顏叛時合丹附之屢寇邊未知孰是

次滅里至元二年分四親王南京屬州鄭州隸合丹鈞州隸明里雕州隸孛羅赤蔡州隸海都蓋皆太宗子孫孛羅赤乃濶出之孫海都爲合失之子而明里應節滅里音相通也曾孫禿滿

至大初進所藏太宗玉璽封陽翟王賜金印俾鎮北藩子太平
泰定元年襲封文宗初黨附丞相剌沙以兵攻大都戰于棗
林爲燕鐵木兒所殺又三世爲阿魯輝帖木兒順帝時以謀逆
被誅

見叛臣傳

其弟忽都帖木兒襲封陽翟王

定宗皇帝三子二腦忽無嗣長忽察三禾忽俱再傳而絕

憲宗皇帝五子長曰班禿次曰阿速歹曰辨都俱無子次玉龍
蒼失初從阿里不哥反至元元年自歸上都世祖釋不問三年
給衛輝路爲分地歲賜銀五千兩幣三百疋其孫曰徹徹禿延
祐七年封寧遠王至治二年命總兵北邊改封武寧王入朝請
印帝以其功績未著不允泰定元年賜永福縣戶萬三千六百
爲食邑仍置王傳天曆二年明宗遣詣大都立文宗爲皇太子
至順二年改封郕王俄以妄言不道安置廣州踰年從丞相燕

鐵木兒請仍還本部鎮遼陽後至元初首發丞相唐其勢逆謀
詔賜太平路并蘇州田二百頃五年爲太師伯顏構陷奏賜死
帝未允卽傳旨行刑及伯顏被逐始雪其冤

大昔里吉至元四年封河平王俄同皇子北平王南木合出鎮

阿力麻里之地十四年

年分據世祖紀與李庭等傳多不符

七月昔里吉與脫脫

木兒藥木忽兒等謀劫皇子以叛械繫丞相安童使通好海都
海都弗納遂率兵至和林城北帝命伯顏將兵拒之遇于幹魯
懽河夾水而陣相持彌日伺其懈掩擊破之十九年爲諸王撒
里蠻所執遣使來報後爲元帥李庭等襲擒被誅 子晃火帖
木兒延祐五年封嘉王賜羊十萬馬萬匹泰定二年改封并王
至順三年賜以安陸府爲食邑後至元元年丞相唐其勢與王
交通謀廢帝以危社稷事敗自殺六年封其子徹里帖木兒爲

撫寧王

世祖皇帝十子長朶而只

一作都而真

早封王無後

次真金世祖嫡子也少從姚樞寶默受孝經中統三年封燕王
守中書令俄兼判樞密院事性仁孝恭儉嘗從幸宜興州世祖
遑豫憂形於色每夕不成寐聞母昭睿順聖皇后暴得風疾沿
途悲泣衣不及帶而行至元七年秋受詔巡行稱海至冬還京
間謂諸王從官曰吾屬適有茲暇宜各言所得於是撒里蠻曰
太祖有訓欲治身先治心欲責人先責己伯顏曰皇上有訓欺
罔盜竊人之大惡一有欺罔則後雖出善言人終弗信一爲盜
竊則事雖未覺心常惴惴若捕者將至札刺忽曰我祖有訓長
者稍深者底蓋言貴有終始長必極其稍深必究其底不可中
輟也王曰皇上有訓母持大心大心一持事卽隙敗吾觀孔子

之語誠與聖訓合也當爲燕王時日夜講求聖道中外欣然歸心焉十年三月立爲皇太子兼省院事如故制曰仰惟太祖皇帝遺訓嫡子中有克嗣服繼統者豫選定之是用立太宗英文皇帝以紹隆丕構自時厥後爲不顯立冢嫡致啟爭端朕上遵祖宗宏遠之規下協昆弟僉同之議乃立燕王真金爲皇太子實有日矣此者儒臣敷奏以國家定立儲嗣宜有間命此典禮也今遣某持節授爾玉冊金寶嗚呼聖武燕謀爾其承奉昆弟宗親爾其協和使仁孝顯於躬行庶可不負所托尙其戒哉勿替朕命詔益侍衛親軍萬人隸東宮太子命詹事丞王慶端選其驍勇者教以兵法時閱試焉初守中書令每月必再至省將出乳媼以新衣進却之曰亦何須此爲美觀邪卒不服及爲太子一日服綾袷爲藩所漬命重染治之侍臣請更製太子曰是

物未敝豈宜輕棄東宮香殿成請鑿石爲池如曲水流觴故事
太子曰古有肉林酒池爾欲吾效之邪不許每與諸王近臣習
射之暇輒講論經史若資治通鑑貞觀政要下至武經七書片
言允愜未嘗不洒然改容時侍經幄者如王恂白棟皆朝夕不
出東宮而待制李謙太常宋衡尤咨訪無間十八年二月母后
崩太子自獵所奔赴勺飲不入口者累日設廬帳居焉翰林待
制王惲進承華事畧二十篇詳王惲傳太子覽之至漢成帝不絕馳
道唐肅宗改絳紗袍爲朱明服大喜曰使吾行之亦當若此及
說邢峙止齊太子食邪蒿顧侍臣曰菜名邪蒿未必果邪也食
之能遠邪人耶詹事丞張九思從旁進曰古人設戒防微義固
當爾太子善其說在中書日久明於聽斷尤喜循良之吏深惡
言利者詔割江西隆興路爲分地太子謂左右曰安得治民如

邢州張耕者誠使往治之俾江南諸郡取法民必安集於是名
宋衛大選署守長江西省獻歲課羨鈔四十七萬緡太子怒曰
朝廷但令汝等治百姓百姓安朝廷何患不足否則雖多能自
奉乎盡卻之叅政劉思敬遣其弟思恭以新民百六十戶來上
太子問所從來蓋思敬征重慶時所俘者威然曰歸語汝兄此
屬宜隨所在放遣毋重失民心也烏蒙宣撫進馬踰歲額諭曰
恐道路所經數勞吾民自今勿復多進有司欲就威武營貨粟
數萬石濟饑民太子問可否王慶端對曰兵民一體何間焉卽
命與之凡四方科徵輓漕造作和市有不便民者卽日奏罷二
十年春倅劉因于保定拜右贊善大夫以吏部郎中夾谷之奇
爲左贊善大夫時已立國子學白棟宋衛李謙皆以東宮僚友
相繼典教事至是命因專領而以衛等仍備咨訪嘗曰吾聞金

章宗時有司論太學生廩費太多章宗訓養出一范文正公所
饋顧豈少哉其言甚善中庶子伯必以其子阿八赤來見諭令
入國學逾年又見問所讀何書其子以蒙古書對太子曰我命
汝學漢文耳其亟入冑監遣使辟朱侍郎倪堅于開元旣至訪
以古今成敗得失堅言三代得天下以仁其失也以不仁漢唐
之亡也以外戚閹豎宋之亡也以姦黨權臣太子嘉納賜酒曰
是乃罷先是阿合馬擅國柄太子悉其狡未嘗稍假顏色許衡
告歸太子請以其子師可爲懷孟總管以便侍養且曰公母以
道不行爲憂也公安則道行有時矣及阿合馬矯殺左丞崔斌
太子方食投箸起急入宮論救以不及爲恨和禮霍孫拜丞相
太子謂曰事有便國利民者毋憚更張或有沮撓吾當力持之
叅政張雄飛嘗被賜金鈔及罷政姦黨詣中書乞追奪太子聞

之諭丞相安童曰上所以賜張雄飛者旌其廉也汝豈不知母
爲小人所詐右丞盧世榮以言利進太子意益非之嘗曰財非
天降安得哉取贏乎恐生民膏血竭於此豈惟害民實國之大
蠹其後世榮果坐誅桑哥素主世榮聞太子言不敢採生平好
賢若渴宋衛目青賜鈔千五百緡王磐請老官其壻於東平以
終養孔洙自江南入覲則責張九思以學聖人之道何不知有
聖人之後其崇儒重道本天性如此時帝春秋高南臺御史言
事者請內禪太子聞之驚曰必禍我矣臺臣匿其章不上而阿
合馬黨塔卽古阿散乘間發之帝震怒太子愈憂懼不自安遽
得疾薨年四十有三帝追悔賜諡明孝太子成宗卽位追諡文
惠明孝皇帝廟號裕宗升附太廟 妃伯監也怯赤一名濶濶
眞弘吉刺氏先是世祖出獵道渴入一帳房見一女子緝駝茸

世祖從覓馬潼對曰馬潼固有之但父母諸兄皆不在我女子也難以相授世祖欲去又曰我獨居此汝自來去於理不宜我父母當卽歸盍姑待之須臾果歸出馬潼飲焉世祖旣去歎息曰此女倉卒以禮若是豈非佳婦邪後諸臣請擇太子妃俱不當上意有一老臣嘗知向者出獵語且聞其未字因以爲言世祖大喜納爲太子妃性孝謹善事中宮侍順聖皇后不離左右世祖嗟稱曰果賢婦也一日太子有疾世祖往視見牀第間設織金臥具世祖曰我嘗以汝爲賢何若是妃跪曰常時不敢用今太子病恐爲濕氣所侵耳卽撤去成宗卽位尊爲皇太后冊曰自家而國治道必有所先立愛惟親君德莫先於孝况恩深於鞠我而禮重於正名歷代以來令儀可考人子之職所在天下之母宜尊恭惟聖母聖善本乎天資靜專法乎地道上以奉

宗祏之重下以敘倫紀之常助我前人守卷耳憂勤之志保予
冲子成思齊雖肅之風肆神器之有歸知孫謀之素定畀付雖
由於曆數規摹一出於庭闈是用率籲衆心章明鉅典謹奉冊
寶上尊稱曰皇太后翼日播告天下詔曰禮莫大於正名孝宜
先於報本朕仰繩祖武丕紹皇圖惟昭考之仁明徽稱未著特
慈闈之鞠育大德難酬爰當踐祚之初首篤尊親之義謹依先
朝故事追尊皇考曰皇帝尊大母元妃曰皇太后其應行典禮
有司次第舉行見典章徽政院官受獻浙西田七百頃籍位下后
間之曰江南率土皆國家所有我曷敢私卽命中書省盡罷院
官之受獻者后弟從因后求官后不悅曰汝非其人也勿以累
我後其弟果被黜人服其先見大德四年崩諡曰裕聖皇后至
大三年加上徽仁裕聖皇后

開曰親賢講學剖微義利仁孝性成動合古制惜其短年
世不蒙治裕聖持禮不違造次以德配德好迷曷愧

次忙哥刺至元九年封安西王統河西土番四川諸處賜京兆
爲分地駐兵六盤山置王相府以陞挺爲王相十年益封秦王
佩金印二其府在長安者爲安西在六盤者爲開成皆聽爲官
邸十四年命王北征十七年薨子二長阿難荅嗣安西王成

宗初遣使入朝告貧乏帝語之曰世祖各有分地以賜子孫若
言貧乏豈獨汝邪去歲已賜鈔二十萬錠今再與則諸王以爲
不均不與則汝言人多饑死其給糧萬石擇貧者賑之大德元
年復賜鈔三萬錠成宗崩無子皇后卜魯罕垂簾聽政以阿難
荅同爲世祖之孫召至京將以弟繼大統文宗自懷孟入定內
難執之尋賜死于月魯帖木兒泰定帝立襲封安西王俄與逆

謀流雲南至順三年坐與畏兀僧必蘭納識理謀不軌伏誅
次按攤不花初忙哥刺既封安西王再封秦王綰二印後阿難
荅用安西王印按攤不花別用秦王印中書省言一藩二王非
制詔納秦王印時安西王相獨有印亦并收之至元二十五年
受命率兵鎮大理

次南木合

傳作那木罕

至元三年封北平王命丞相安童輔之建幕

庭于和林北阿力麻里之地十四年七月爲叛王昔里吉所劫
留七年已失舊封十九年改封北安王二十一年三月還朝賜
鈔一萬二百四十六錠重給金印與之大德五年薨延祐七年
賜諡昭定無後

次忽哥赤至元四年封雲南王賜鍍金銀印遣之鎮八年爲雲
南都元帥寶合丁王傅濶濶帶等恊謀置毒酒中鴆死事發寶

合丁等並伏誅

事詳張立道傳

子也矢鐵木兒至元十七年襲封雲

南王至大元年進封營王皇憲元年賜福州路福安縣萬三千

六百有四戶食其歲賦泰定四年出鎮北邊

次愛牙赤

本末紀要亦稱大王

至元二十四年叛王乃顏黨失都兒犯咸

平愛牙赤帥宜慰塔出合兵出瀋州討平之

高麗史忠烈王世家云丙子流皇子

愛牙赤于大青島

次奧魯赤封西平王至元九年同南平王禿魯等征建都蠻元

貞二年命駐夏上都孫老的罕至大二年梁王松山在雲南

有風疾以老的罕往代改封雲南王延祐二年入朝

次潤潤出至元二十六年封寧遠王出鎮漠北大德三年以怠

於備禦命皇姪海山卽軍中代之武宗卽位改封寧王賜金印

至大三年或訴王與越王禿剌子阿剌忒納失里有逆謀詔徙

高麗皇慶元年賜還次年薨

次脫歡至元二十一年封鎮南王駐鄂州賜鍍金銀印七月詔

統兵征占城道出安南爲交兵所敗

事詳安南傳

世祖怒其辱國終

身不許入朝令駐鎮揚州大德五年薨長子老章嗣鎮南王

駐揚州至大三年尙書省言其出入導從僭竊上儀遣官詰問

得實召赴闕仍以所僭儀物來上老章薨脫不花襲封鎮南王

泰定二年薨遣中書平章乃馬鐸攝鎮其地次寬徹普化泰

定三年封威順王鎮武昌賜金印撥怯薛歹五百名又自募一

千名爲護衛設王傅官屬命湖廣省供億錢糧衣裝歲支祿米

三萬石鈔三萬二千錠又日給王子諸妃飲膳時多言其驕橫

縱所屬侵奪民利後至元五年太師伯顏矯制召赴京貶之及

伯顏敗始復還鎮至正七年受命同鎮南王孛羅不花討猺賊

吳天保十一年徐壽輝作亂起斬黃寬徹普化與其子別帖木兒引兵至金剛臺討之爲賊將倪文俊所敗別帖木兒被執未幾賊陷武昌寬徹普化棄城走詔奪其印已率本部怯薛歹屢討賊立功命復還武昌遣其子報恩奴接待奴佛家奴以大船四十餘水陸進討且載妃妾以行兵至漢川雞鳴汊船重不得前文俊用火筏焚之三子同遇害妃妾皆陷賊中乃自走陝西復從雲南經蜀轉戰至成州欲赴京師會李思齊以取蜀爲名扼不令行俾屯田成州以歿其子曰和尚封義王常侍順帝左右至正二十四年李羅帖木兒稱兵犯闕踞位右丞相和尚忿其無君受密詔陰結勇士刺殺之順帝將北奔詔淮王帖木兒不花監國以和尚輔之京城破不知所之次帖木兒不花初鎮南王脫歡薨于老章襲老章薨弟脫不花襲脫不花薨于老

羅不花幼泰定三年以弟帖木兒不花襲封鎮南王駐揚州宇
羅不花長帖木兒不花固請還爵文宗嘉其能讓改封宣讓王
移鎮廬州後至元元年賜廬州饒州牧地一百頃二年賜市宅
錢四千錠命王府官班次列於有司之右五年太師伯顏矯制
與其兄寬徹普化同被貶及伯顏見斥朝廷雪其冤給還宣讓
王印仍鎮淮西至正十二年廬州盜起帖木兒不花率府中官
屬及怯薛衆鼓行討之擒其渠帥境內以寧十六年命與寬徹
普化以兵遏懷慶旣而汝潁之寇南渡淮復便宜調芍陂屯軍
拒之及廬州不守乃挈身北歸二十七年進封淮王明兵逼京
師帝北奔留帖木兒不花監國城破死之年八十三 不荅失
里皇慶元年賜福州路寧德縣戶萬三千六百有四食其歲賦
二年封宣德王

按宗室表載老章不荅失里爲脫歡子而脫不花以下諸人皆老章子也及攷寬徹普化與帖

傳則皆云世祖
脫歡之子未知孰是

次忽都魯帖木兒亦稱王無考

皇太子真金三子長甘麻剌次荅剌麻八剌成宗居第三皆同
母甘麻剌少育於祖母順聖皇后宮日侍世祖未嘗離左右畏
慎不妄言言必無隱至元中奉命鎮北邊叛王岳木忽兒等聞
其至望風請降旣而篤哇察八兒諸叛者相率求和邊境寧謐
嘗出征駐金山會大雪擁火坐帳內顧近侍曰風雪如是吾與
卿曾有寒色彼從士屢弓矢荷刃周廬之外可無念乎命大爲
肉糜親嘗徧賜之暇則命儒臣進講通鑑戒其下曰朝廷以藩
屏寄我事有不逮正賴汝輩輔助其或依勢作威不用我命輕
者論遣大者奏聞耳宜各慎之二十六年世祖以其居邊日久
特命獵于柳林至渚州恐易栗不繼令左右司之日分給從士

仍飭其衆毋得侵擾百姓此還世祖勞之曰汝在柳林民不知
擾朕實嘉焉明年封梁王授金印山鎮雲南從卒馬馳之屬不
下千百計所過未嘗擾民二十九年改封晉王移鎮北邊統領
太祖四大幹耳朵及軍馬達達國土更鑄晉王金印故事諸王
皆置傅以晉爲太祖肇基之地視諸王有加特置內史以寵之
世祖崩王奔赴上都諸王大臣咸在時甘麻刺爲太子長子於
世祖爲冢孫大臣皆屬之王慨然曰昔皇祖命我鎮朔方以衛
社稷久歷邊事願服厥職母弟鐵木兒仁孝可嗣大統於是成
宗卽位而王自歸藩大德元年賜鈔七萬錠六年薨年四十王
天性謹厚御下有恩於國家法度凜然不敢犯藩屬官有年老
者願以子代內史請於王王曰用人惟天子所命不敢專也故
尤爲朝廷所重惟崇尚浮屠作佛事歲耗財不可勝計後十年

仁宗立追諡獻武又十一年次子也孫帖木兒得立爲泰定帝
追上尊諡曰光聖仁孝皇帝廟號顯宗祔享太廟又六年文宗
卽位詔毀其室 妃名普顏怯里迷失弘吉刺氏當王居晉邸
納爲元妃生泰定帝及卽位追尊爲宣懿淑聖皇后升祔顯宗
廟天曆初廟室仍毀 長子松山至元三十年受詔出鎮雲南
賜皇孫梁王印大德九年詔梁王勿與雲南行省事至大二
年有風疾帝命雲南王老的罕代鎮其地子王禪延祐七年襲封
雲南王泰定元年四月賜車帳馳馬十月徙封梁王食邑益陽
州六萬五千戶仍以其子帖木兒襲封雲南王三年六月命王
禪鎮撫北軍賜鈔五千錠兼整飭幹耳朵思邊事泰定帝崩于
上都與丞相倒剌沙遼王脫脫共立泰定帝子將兵攻大都戰
屢敗爲文宗所擒賜死至順元年流其子于吉陽軍 季迭里

哥兒不花武宗初立封北寧王仁宗嗣位改封湘寧王置王傳食湘鄉州寧鄉縣六萬五千戶子巴剌失里襲泰定元年命出鎮察罕腦兒地三年正月移鎮兀魯思部六月命鎮阿難荅所居之地四年復鎮察罕腦兒泰定帝崩所部軍應上都南侵冀寧兵敗被執

冊曰貪人徒勞妄覲非分嫡孫當嗣乃甘退遜不於其身而於其子較之秦伯食報尤美

次荅刺麻八剌成宗同母兄也至元初生于燕邸世祖絕愛之凡乘輿巡幸及歲時朝賀皆令侍行稍長賜以女侍郭氏其後納弘吉刺氏爲妃二十三年太子眞金薨荅刺麻八剌以皇孫鍾愛兩宮特優出閣之禮二十八年始出鎮懷州行至趙州從卒有伐民桑棗者民遮訴於道王命杖以懲衆未至以疾還明

年春世祖北幸留治疾京邸越兩月薨武宗卽位追尊爲皇考
曰顯親所以爲子追遠所以厚民矧必百世祀而位弗隆爲
天子父而養弗逮是宜稱秩以達純誠欽惟皇考淵穆有容神
明莫測文孫文子鍾至愛於南宮宜君宜王膺具瞻於四海當
璧之祥未卜乘蹤之跡已遙典言欲報之恩昊天罔極對越有
成之命夙夜惟寅昭哉玄德之升聖矣生知之異衍莫衍於昌
後嗣而有天下孝莫孝於配前烈而茂本支念茲繼體之初益
切中心之慕謹奉玉冊玉寶上尊諡曰昭聖衍孝皇帝廟號順
宗伏惟明明降鑒序於祖宗依躋攸寧永錫繁祉

見元文類
程鉅夫撰仁

宗延祐五年創殿於大永福寺安奉御容 妃名荅吉弘吉刺

氏按陳孫渾都帖木兒之女武宗仁宗母也大德九年成宗不
豫卜魯罕皇后秉政遣仁宗母子出居懷州踰年成宗崩時武

宗總兵漠北仁宗在懷州聞計先奉母還京師遣使北迎武宗以五月卽位先是妃以兩太子星命付陰陽家問所立對曰重光大荒落有災旃蒙作噩長久重光大荒落者武宗生年旃蒙作噩者仁宗生年也妃頗惑其言欲武宗讓位於弟遣近臣諭旨曰汝兄弟二人皆我子豈有親疎陰陽家所言運祚修短不容不思也武宗聞之語康里脫脫曰星命之說茫昧難信何可因此而乖祖宗之法妃愕然曰修短雖出術家吾爲太子周思遠慮所以深愛之也今貪慾已除宗王大臣議已定太子不速來何爲連遣使趣之至武宗旣立卽日尊爲皇太后詔曰蓋聞孝治天下者王政所先養以天下者尊稱爲大朕恭承先德寅紹丕基愴昭考之長違賴慈闈之篤祐方衍無疆之慶曷勝報本之情謹依先朝成憲追尊皇考曰皇帝尊大母元妃曰皇太

后其應行典禮有司以次舉行

見典章

至大元年爲皇太后建興

聖宮二年正月太后幸五臺山作佛事四月立興聖宮江淮財

賦總管府專司太后錢糧三年四月以興聖宮鷹坊等戶四千

分處遼陽建萬戶府統之十月帝率皇太子諸王羣臣朝興聖

宮上徽號間曰伏思顯考順宗未臨海寓眇眇小子託其遺體

顧踐丕基惟事聖母養以天下何無不有何欲不臻而隆名盛

典辭未見俞非臣所以表微忱酬大德也欽惟皇太后貞順而

齊肅淵哲而剛明居常處變愛威異施臣在先朝受詔漠北往

撫諸軍可謂遠役以義割恩從臾其行迨輒河陽永懷彌切親

至五臺禱於佛乘尙憑陰騭早遂振旅殿閣是崇靈貺用昭旋

聞國恤併日馳赴邪謀方興授閒儲皇曾不再日掃清宮掖待

臣以來畀付神器自非睿斷安救內訌往歲鑾輅再輒五臺淨

供大修以畢夙願極心爲臣天燾地持日居月諸其大其明非
言所喻詩之言曰母氏劬勞推之眇末咻仁煦慈百倍爲艱圖
以報塞惟崇顯號者強而名之庶幾聖德昭明天下是用類于
上帝禋于太室奉玉冊玉寶上尊號曰儀天興聖慈仁昭懿壽
元皇太后慶躋堯上之尊福衍無疆之曆

見元文類
姚燧撰

仁宗延祐

二年加上尊號曰全德泰寧福慶皇太后英宗初立尊爲太皇
太后上尊號冊曰王政之先無加於孝人倫之本莫大尊親式
仰燕謀聿修綽典恭惟太皇太后仁施溥博明燭幽微爰自居
淵潛之宮已有母天下之望方武宗之北狩遠成廟之賓天肆
克振於乾綱旋再安於宗祏雖膺在躬之曆數實司創業之艱
難儀式表於慈闈動協謀於先帝莫究補天之造允如扶日之
升位履至尊兩翼成於聖子嗣登大寶復擁佑於眇躬矧德邁

塗山功高文母是宜加於四字式益衍於徽稱謹奉玉冊玉寶

加上尊號曰徽文崇佑太皇太后御大明殿受朝賀初太后見

武宗長子和世璵

即明宗

少時有英氣而仁宗子碩德八剌

即英宗

意稍懦諸羣小亦以立和世璵將不利於已遂擁立英宗既卽

位太后來賀見英斷之色燭人眉宇后退而悔曰我不擬養此

兒遂飲恨成疾至治二年九月崩升祔順宗廟上尊諡曰昭獻

元聖皇后后性聰慧歷佐三朝稱仁儉每幸上都必飭鷹坊衛

士先往免害稼擾民然不事檢飭自正位東朝內則黑驢母亦

烈失八用事外則幸臣失烈門紐隣及宰相鐵木迭兒相率恣

貪虐瀆亂朝政仁宗恐傷太后意不能制及英宗立羣倖伏誅

而後勢饒頓息阿木哥者女侍郭出也封衛王大德七年籍

河西寧夏善射軍隸焉仁宗卽位王入見賜鈔二萬錠以慶元

路定海縣六萬五千戶爲食邑每歲賜外更給鈔萬錠他勿援
例延祐五年以罪貶高麗有術者趙子玉言於王府司馬曹脫
不台曰阿木哥名應圖識潛謀備兵甲航海往高麗迎之至大
都俟時而發行次利津縣事覺子玉伏誅再徙阿木哥于大同
泰定元年正月召還六月薨賜鈔千錠子阿魯至順元年封西
靖王

問曰篤生雙珠並登大寶早歲雖艱天祿永保維多爽德
親暱姦回南坡之禍實后所胎

成宗皇帝一子名德壽大德九年立爲皇太子詔曰惟我世祖
皇帝規模宏遠預建儲嗣式與古合朕恪遵祖宗成憲允協昆
弟僉言立嫡子德壽爲皇太子茲有日矣比者遠近宗親復以
爲請又中書百司及諸老臣請授冊寶昭示中外朕俯從衆願

所有冊禮具如常制屬茲盛興宣布新恩於戲慶衍無疆既正
名於國本仁同一視尙均福於黎元故茲詔示想宜知悉

見典章

未幾薨無後

武宗皇帝二子長明宗次文宗詳帝紀

仁宗皇帝二子長英宗無子次兀都思不花延祐二年封安王
五年以湖州路爲分地七年降封順陽王尋被殺無後

泰定帝四子長阿速吉八元年立爲皇太子致和元年帝崩九
月丞相倒剌沙在上都立以爲帝年甫九歲改元天順十月齊
王月魯帖木兒舉兵圍上都倒剌沙奉帝璽出降阿速吉八不
知所終

次八的麻亦兒間卜泰定元年封嗣晉王餘二子曰小薛太子
泰定三年十二月以其夜啼賜高年鈔以厭之允丹藏卜太子

泰定四年正月受佛戒于智果寺俱早隕無後

明宗皇帝二子長順帝次寧宗詳帝紀

文宗皇帝三子長阿剌忒納荅刺天曆元年以帝潛邸所用工匠百五十人立異樣局賜之至順元年三月封燕王立宮相都總管府以燕鐵木兒領之七月命西僧爲燕王修佛事御史臺請立爲太子帝曰朕子尙幼非裕宗爲燕王時比也諸王大臣復請帝曰燕王幼恐其識慮未弘弗克負荷徐讓之未晚十二日始立爲皇太子次年正月薨祔葬山陵命宮相法里守之繪眞容奉安慶壽寺東殿祀之如累朝神御殿儀

次燕帖古思初名古納荅刺至順二年正月疹疾愈賜醫巫乳媪宦者衛士六百人金銀鈔帛以萬計且命西僧作佛事一周歲更于五臺霧靈二山作佛事釋罪因爲皇子祈福九月市故

丞相府第命燕鐵木兒奉皇子居之三年三月更今名當文宗之崩也燕帖古思宜立而后惑於日者言曰兒幼當大福恐不任乃傳位於明宗次子是爲寧宗及寧宗崩大臣復請立后益以日者之言爲信乃迎明宗長子立之是爲順帝後至元六年被放高麗未至爲從臣月淵察兒所弑

次太平訥初名寶寧天曆元年命保養於大司農買住家易今名後無考

順帝子愛猷識里達臘二皇后奇氏所生也至元十三年立爲皇太子詔開端本堂命儒臣口直進講一日皇太子坐清寧殿分布長席列坐西番高麗諸僧皇太子曰李好文先生教我儒書多年究不省其義今聽佛法一夜卽曉由是崇信佛教時帝淫昏怠於政事奇氏與太子握軍國重權急圖內禪初喻意丞

相太平太平不從太子益樹私人盡逐帝左右心膂由是父子

之間如水火矣二十四年詔以李羅帖木兒匿老的沙于軍中

創其官爵老的沙者帝母舅故不附太子者也李羅雅知詔命

非帝意遣兵犯闕皇太子兵敗出走及李羅奉詔退軍太子復

命擴廓帖木兒討之李羅帖木兒再舉兵犯闕太子奔冀寧李

羅誅始還宮二十七年以江淮川蜀皆陷沒命太子立大撫軍

院受詔出師究不行明年明兵入京師太子從帝北奔應昌又

二年明兵襲應昌皇太子從十數騎遁不知所終

輟耕錄云皇太子方在端

本堂讀書近侍之常以飛放從者輒臂鷹至廊廡間喧呼馳逐

以戎服之將出許為樂太子受業畢徐令左右戒之曰此讀書

之所先生長者在前汝輩安敢褻侮如此急引去母名責

也系皆驚懼而退乃貢何事或紅宣文閣下所日見者子

買的里八剌先逃歸沙漠度廣成六月為明將李文忠所獲來

獻俘太祖曰元有天下百年朕祖父亦嘗享其太平安忍加戮

封爲崇禮侯留京師甲寅九月太祖謂買的里八剌曰草木無
心遇春而茂遇秋而零落氣之所感猶知榮悴况於人乎汝南
來已五載豈無父母鄉土之思宜聽汝還於是厚其禮歸之
大見政紀按庚戌爲洪武三年是年元主之子失篤兒及駙馬忙哥
夫來降明年又獲故元子孫惠不都不花儲王伯顏不花宗王
子蠻伯帖木兒并其金印送至京太祖各賜第宅仍月給
錢米甲寅文忠克大寧斬故元宗王朶朶失里均不知何系
冊曰監撫之職過則幾諫未聞闇干輒謀內禪揆厥所由
皆因奇氏欲專威福逞私所致元世並后流禍至斯所以
聖教首列開睢